



Siunissami aalisarsinnaanermut akuersissutip aqutsisoqarfimmi ataasiinnarmi atorpeqartalernissaa - taamatullu aqutsisoqarfiup "Kalaallit Nunaata sinnerata" siunissami aqutsivinnut immikkoortunut arfinilinnut aggornilersorneqarnissaa (Maniitsoq, Paamiut, Qaanaaq, Sisimiut, Kalaallit Nunaata kujataa aamma Tasiilaq) anguniarlugu sinerissamut qanittumi qaleralinniarneq pillugu nalunaarut allangorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Michael Rosing, Demokraatit)

Sineriak aalisarnikkut inuussutissarsiorfigisarpur imartaq kangerlunnit qingortuunit siammasimasunillu immikkoortinneqarsimavoq. Kangerluillu qingortuut imartamikkut itinerusut ikkannerusullu aalisakkanik assigiinngisitaartunik aalisarsinnaanitsinni periarfissaqartippaatigut. Ukiorpasuarinimi piniarnikkut inuussutissarsiorfik, ullumikkut aalisarnikkut annertuumik ingerlataqarfigisarpur itissutsikkut, aalisakkatigut, sarfap ingerlaarfiisigut, allarpasuarfigullu annertuumik ilisimaneqarfigilersimavagut.

Siullermik Mikael Rosing aalajangiiffigisassatut siunnersuuteqarninnut Inuit Ataqatigiinniik imatut akissuteqassaagut, qujanarlu siunnersuummik saqqumiussannut.

Inuit Ataqatigiit naleqartitatsinnut ilaavoq **pisuussutigut uumassusillit tassaasut inuiaqatigiit tamarmik ataatsimoorullugit pigisarigaat.** Aalisakkat inuiaqatigiinnut avissaartuutaatinngit ataatsimullu suleqatigiiffiunissaat anguniarlugu maani suleqatigiilluinnartariaqarpugut.

Ullumikkut akuersissut 46-mik pigisallit 47-qarfinnut Upernavimmut, Uummannamut, Qeqertarsuullu tunuani avannarlermut isersinnaatitajunnaareerput. Naalakkersuisorli qinnuigissavarput akissuteqarnissamini Nalunaarummik qanga atuutilersumik saqqummiunneqartumik nassuiaateqalaaqqullugu, Nalunaarutimmi akuersissut 46-mik pigisallit akuersissutip 47 iluani aammalu illuanut 47-mik pigisallit 46-mut pigisaqarsinnaajunnaarsitaanikuummata.

Kiisalu Inuit Ataqatigiinniik ilisimavarput, qanittumi Aalisarnermut Piniarnermut Nunalerinermullu Ataatsimiititaliaq nutaamik inissitsiteqqinnerani ilaasortat naalakkersuisumut apeqquteqarneranni qaleralinniarnermut aqutseveqarfinni ingerlatsineq pillugu apeqqutit arlallit qaqqineqartut. Ukiamummi aalisarnermut inatsissaq tamakkiissumik sivisuumillu attanegaarsinnaasumik suliarineqartariaqartumut ataatsimiititaliaq sulillualereersimasoq sulilluarnissaanut kissaapparpur.

Naalakkersuisut akissumminni oqaatigissasaat aqutsiveqarfinni pingasuusuni Upernavimmi, Uummannami Qeqertarsuullu Tunuani taakkunani ataasiakkaani pisassiissutinit annerpaamik 10 procentit tikillugit aalisartunut aqutsiveqarfiit avataaneersunut qummut killileerlugit

INUIT ATAQATIGIIT

Inatsisartuni



pisassiisalernissamik isumaat Inuit Ataqatigiinniik oqaloqataaffigissagipput soqutiginartikkippullu.

Ukiamullu aalisarnermut inatsit suliarineqalertussamut siunnersuummi apeqqutit qulaajarneqarsinnaasut ilanngullugit sammineqarnissaat Inuit Ataqatigiit peqataaffigerusukkigut. Taamaalilluta siunnersuut massaklutut itsillugu itingartipparput.